

SEDMIČNI PREGLED AKTIVNOSTI SUDA BIH

Odjel I, II i III

(16. – 20. januara 2023.)

- Sud Bosne i Hercegovine je 23.12.2022. potvrdio optužnicu u predmetu **Jurica Roso (S1 2K 044568 22 Ko)** kojom se optuženi **Jurica Roso** tereti da je radnjama opisanim u optužnici počinio krivično djelo nedopuštena trgovina iz člana 212. stav 1. u vezi sa članom 29. i 54. Krivičnog zakona BiH (KZBiH) u stjecaju s krivičnim djelom pranje novca iz člana 209. stav. 3 u vezi sa članom 29, 53. i 54. KZBiH.
- Sud Bosne i Hercegovine je 27.12.2022. potvrdio optužnicu Tužilaštva BiH u predmetu **Zoran Brzica (S1 2 K 044656 22 Ko)**, koja optuženog **Zorana Brzicu** tereti da je, radnjama opisanim u optužnici, počinio krivično djelo nedozvoljeni promet akciznih proizvoda iz člana 210.a stav 1. Krivičnog zakona Bosne i Hercegovine.
- Sud Bosne i Hercegovine je 28.12.2022. u predmetu **Miloš Nikolić i dr. (S1 2 K 042067 22 Krn)** potvrdio optužnicu Tužilaštva BiH od 26.12.2022., kojom se optuženi **Miloš Nikolić, Miroslav Lovrić, Dalibor Lugonja i Jasmin Hodo**, radnjama opisanim u optužnici, terete da su počinili: optuženi **Miloš Nikolić** – krivično djelo udruživanje radi činjenja krivičnih djela iz člana 249. stav 1. KZBiH i krivično djelo neovlašteni promet opojnim drogama iz člana 195. stav 1. KZBiH, u vezi sa članom 53. KZBiH; optuženi **Miroslav Lovrić, Dalibor Lugonja i Jasmin Hodo** – krivično djelo udruživanje radi činjenja krivičnih djela iz člana 249. stav 2. KZBiH i krivično djelo neovlašteni promet opojnim drogama iz člana 195. stav 1. KZBiH, u vezi s članom 53. KZBiH, na način da je, optuženi **Miloš Nikolić** udružio grupu ljudi radi neovlaštene međunarodne prodaje opojne droge, te je neovlašteno vršio međunarodnu prodaju i nudio na prodaju supstance koje su propisom proglašene opojnim drogama, dok su optuženi **Miroslav Lovrić, Dalibor Lugonja i Jasmin Hodo** postali pripadnici grupe ljudi udružene radi međunarodne prodaje opojne droge, te su neovlašteno vršili međunarodnu prodaju supstanci koje su propisom proglašene opojnim drogama.
- Sud Bosne i Hercegovine je 13.1.2023. u predmetu **Rana Waqas (S1 3 K 044115 23 Kps)**, odlučujući o prijedlogu Tužilaštva Bosne i Hercegovine za produženje mjere pritvora, nakon održanog ročišta, donio rješenje kojim je optuženom **Rani Waqasu produžen pritvor** nakon potvrđivanja optužnice, tako da isti po ovom rješenju može trajati do izricanja prvostepene presude ili do nove odluke Suda, a najduže **jednu (1) godinu i šest (6) mjeseci** od dana potvrđivanja optužnice, odnosno do **12.7.2024.**, s tim da će se kontrola opravdanosti pritvora vršiti po isteku svaka dva (2) mjeseca od dana donošenja

posljednjeg rješenja o pritvoru. Potvrđenom optužnicom, optuženom se na teret stavlja počinjenje krivičnog djela krijumčarenje ljudi iz člana 189. stav 1. Krivičnog zakona Bosne i Hercegovine.

- Sud Bosne i Hercegovine je 13.1.2023. u **predmetu Mladenko Andrić (S1 2 K 042619 22 Krn)** donio rješenje kojim se prihvata prijedlog Tužilaštva BiH od 13.1.2023. godine, te se prema osumnjičenom **Mladenku Andriću određuju mjere zabrane**, i to:

- **mjera zabrane putovanja na osnovu člana 126. stav 2. ZKPBiH,**
- **mjera zabrane poduzimanja određenih poslovnih aktivnosti ili službenih dužnosti shodno članu 126.a stav 1. tačka a) ZKPBiH.**

Osumnjičenom su mjere zabrane izrečene zbog osnova sumnje da je počinio krivična djela primanje dara ili drugih oblika koristi iz člana 217. stav 1. Krivičnog zakona Bosne i Hercegovine (KZBiH) i zloupotreba službenog položaja ili ovlaštenja iz člana 220. stav 1. KZBiH.

PONEDJELJAK, 16. januara 2023. godine

PREDMET	SUDIJAVIJEĆE	ROČIŠTE
Odjel II Adnan Salčin i dr. S1 2 K 040374 22 K	<i>Izo Tankić</i>	Razmatranje sporazuma o priznanju krivnje
Odjel I Ćamil Ramić i dr. S1 1 K 031399 19 Kri	<i>Minka Kreho Željka Marenić Tanja Curović</i>	Saslušanje dva svjedoka Tužilaštva BiH
Odjel I Atif Dudaković i dr. S1 1 K 030713 19 Kri	<i>Željka Marenić Minka Kreho Tanja Curović</i>	Saslušanje tri svjedoka Tužilaštva BiH
Odjel III Alen Nuhanović S1 3 K 044353 22 Eks	<i>Sena Uzunović</i>	Razmatranje prijedloga Tužilaštva BiH za utvrđivanje pretpostavki za izručenje potraživanog
Odjel I Dušan Kuzmanović i dr. S1 1 K 026829 18 Kri	<i>Davorin Jukić Braco Stupar Tatjana Kosović</i>	Saslušanje dva svjedoka odbrane prvooptuženog
Odjel III Marko Kojić S1 3 K 044634 22 Mpom	<i>Goran Radević</i>	Ročište za postavljanje branioca po službenoj

		dužnosti radi obavezne odbrane
Odjel II Muzafer Čeligija S1 2 K 031269 22 Ko	<i>Zoran Božić</i>	Ročište za postavljanje branioca po službenoj dužnosti radi obavezne odbrane

UTORAK, 17. januara 2023. godine

- Sud Bosne i Hercegovine je 17.1.2023. u predmetu **Stefan Dangubić (S1 2 K 036521 22 Ko)**, nakon održanog pretresa za razmatranje sporazuma o priznanju krivnje i ročišta za izricanje krivičnopravne sankcije, donio i javno objavio presudu kojom je optuženi **Stefan Dangubić oglašen krivim** da je radnjama opisanim u izreci presude počinio krivično djelo nedozvoljen promet akciznih proizvoda iz člana 210.a stav 1. Krivičnog zakona Bosne i Hercegovine u vezi sa članom 26. Krivičnog zakona Bosne i Hercegovine. Sud je optuženom za počinjeno krivično djelo izrekao uvjetnu osudu kojom se optuženom **Stefanu Dangubiću** utvrđuje kazna zatvora u trajanju od **jedne (1) godine** i istovremeno određuje da se ova kazna neće izvršiti, ako optuženi u roku od **tri (3) godine**, od dana pravomoćnosti presude, ne počinio novo krivično djelo. Kao sporednu, Sud je optuženom izrekao novčanu kaznu u iznosu od **2.000,00 KM**, koju je optuženi dužan platiti u roku od tri (3) mjeseca, od dana pravomoćnosti presude. Istovremeno od optuženog se oduzimaju sredstva izvršenja počinjenog krivičnog djela.
- Sud Bosne i Hercegovine je 17.1.2023. u predmetu **Dejan Radovanović (S1 2 K 043952 22 Ko)**, nakon održanog ročišta za razmatranje sporazuma o priznanju krivnje i ročišta za izricanje krivičnopravne sankcije, donio i javno objavio presudu kojom je optuženi **Dejan Radovanović oglašen krivim** da je obavljajući poslove i zadatke ovlaštene službene osobe – policajca Granične policije BiH na poslovima graničnih provjera, u službene isprave u institucijama BiH, unio neistinite podatke, čime je počinio krivično djelo krivotvorenje službene isprave iz člana 226. stav 1. KZBiH. Sud je optuženom za navedeno krivično djelo izrekao **kaznu zatvora** u trajanju od **četiri (4) mjeseca**.

PREDMET	SUDIJAVIJEĆE	ROČIŠTE
Odjel II Jasmina Bureković S1 2 K 035457 22 K	<i>Izo Tankić Biljana Ćuković Stanko Blagić</i>	Ispitivanje tri vještaka po prijedlogu Tužilaštva BIH

<p>Odjel II Dejan Radovanović S1 2 K 043952 22 Ko</p>	<p><i>Zoran Božić</i></p>	<p>Ročište za razmatranje sporazuma o priznanju krivnje</p>
<p>Odjel II Mladen Bošnjak i dr. S1 2 K 024306 22 K</p>	<p><i>Izo Tankić</i> <i>Stanko Blagić</i> <i>Biljana Ćuković</i></p>	<p>Ispitivanje tri vještaka i saslušanje jednog svjedoka po prijedlogu Tužilaštva BiH</p>
<p>Odjel I Pero Radić i dr. S1 1 K 034308 20 Kri</p>	<p><i>Minka Kreho</i> <i>Željka Marenić</i> <i>Tatjana Kosović</i></p>	<p>Saslušanje jednog svjedoka Tužilaštva BiH</p>
<p>Odjel II Stefan Dangubić S1 2 K 036521 22 Ko</p>	<p><i>Davorin Jukić</i></p>	<p>Ročište za razmatranje sporazuma o priznanju krivnje</p>
<p>Odjel II Jovan Zarić S1 2 K 039694 22 K</p>	<p><i>Goran Radević</i></p>	<p>Početak glavnog pretresa</p>
<p>Odjel I Milan Trišić S1 1 K 034450 20 Kri</p>	<p><i>Željka Marenić</i> <i>Minka Kreho</i> <i>Enida Hadžiomerović</i></p>	<p>Nastavak glavnog pretresa</p>

SRIJEDA, 18. januara 2023. godine

- Na ročištu za izjašnjenje o krivnji u predmetu **Slavenko Lolić (S1 2 K 042315 22 Ko)** 18.1.2023. optuženi **Slavenko Lolić** se izjasnio da **nije kriv** za počinjenje krivičnog djela koje mu se potvrđenom optužnicom stavlja na teret – nedozvoljeni promet akciznih proizvoda iz člana 210.a stav 1. Krivičnog zakona BiH u vezi sa članom 26. istog Zakona.
- Sud Bosne i Hercegovine je 18.1.2023. u predmetu **Nemanja Rašević (S1 2 K 032044 22 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu, kojom je optuženi **Nemanja Rašević oglašen krivim** da je radnjama opisanim u izreci presude počinio krivično djelo nedozvoljeni promet akciznih proizvoda iz člana 210.a stav 1. KZBiH u vezi sa članom 26. KZBiH. Sud je optuženom za počinjeno krivično djelo izrekao kaznu zatvora u trajanju od **četiri (4) mjeseca**. Kao sporednu, Sud je optuženom izrekao novčanu kaznu u iznosu od **1.500,00 KM** koju će uplatiti u korist budžeta Bosne i

Hercegovine u roku od šest (6) mjeseci od dana pravomoćnosti presude. Istovremeno, od optuženog se oduzimaju sredstva izvršenja počinjenog krivičnog djela.

- Sud BiH je 18.1.2023. u predmetu **Jelena Majstorović i dr. (S1 2 K 033483 19 Krn)** donio rješenje kojim je prema osumnjičenom **Stevi Saviću**, na prijedlog Tužilaštva BiH od 16.1.2023., **ukinut pritvor** određen rješenjem Suda od 23.12.2022. godine. Istovremeno, osumnjičenom **Stevi Saviću** se **određuju mjere zabrane**, i to:

1. zabrana napuštanja boravišta iz člana 126. stav 1. ZKPBiH (na način da se osumnjičenom kretanje ograničava isključivo na njegovu adresu stanovanja);

2. zabrana sastajanja s određenim osobama iz člana 126.a stav 1. tačka c) ZKPBiH (na način da se osumnjičenom zabranjuje svaki oblik kontaktiranja i sastajanja s drugim osumnjičenim osobama u ovom predmetu, kao i svjedocima.)

Izrečene mjere zabrane mogu trajati dok za tim postoji potreba ili do nove odluke Suda. Kontrola opravdanosti trajanja mjera vršit će se svaka dva (2) mjeseca.

- Odlučujući o zahtjevu za privremeno lišenje slobode potraživane, u predmetu **Tamara Avdić (S1 3 K 044834 23 Eks)**, Sud je 18.1.2023. u postupku izručenja potraživane **Avdić Tamare**, po međunarodnoj potjernici NCB Interpola Beč – Republika Austrija, nakon održanog ročišta donio rješenje kojim je potraživanoj **Tamari Avdić odredio pritvor**, koji po ovom rješenju može trajati najduže **18 (osamnaest) dana** od dana lišenja slobode potraživane, odnosno od **17.1.2023.** do **3.2.2023.** ili do nove odluke Suda.
- Sud Bosne i Hercegovine je 18.1.2023. u predmetu **Rana Waqas (S1 3 K 044115 22 Kps)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno presudu, kojom je optuženi **Rana Waqas oglašen krivim** da je radnjama opisanim u izreci presude počinio krivično djelo krijumčarenje ljudi iz člana 189. stav 1. KZBiH. Sud je optuženom za počinjeno krivično djelo izrekao kaznu zatvora u trajanju od **četiri (4) mjeseca**. Na osnovu člana 110. i 111. KZBiH, od optuženog Rane Waqasa, trajno se oduzima imovinska korist pribavljena izvršenjem krivičnog djela. Na osnovu člana 189. stav 6. KZBiH,

od optuženog Rane Waqasa trajno se oduzimaju sredstva izvršenja krivičnog djela.

PREDMET	SUDIJA/VIJEĆE	ROČIŠTE
Odjel II Nemanja Rašević S1 2 K 032044 22 K	<i>Stanko Blagić</i>	Razmatranje sporazuma o priznanju krivnje
Odjel III Rana Waqas S1 3 K 044115 22 Kp	<i>Braco Stupar</i>	Ročište za razmatranje sporazuma o priznanju krivnje
Odjel III Tamara Avdić S1 3 K 044834 23 Eks	<i>Miroslav Janjić</i>	Ročište za određivanje privremenog pritvora prema potraživanj
Odjel II Slavenko Lolić S1 2 K 042315 22 Ko	<i>Mirsad Strika</i>	Ročište za izjašnjenje o krivnji optuženog

ČETVRTAK, 19. januara 2023. godine

- Na ročištu za izjašnjenje o krivnji održanom 19.1.2023. u predmetu **Mira Bulić (S1 2 K 044396 22 Ko)**, optužena **Mira Bulić** se izjasnila da **nije kriva** za počinjenje krivičnog djela koje joj se na teret stavlja potvrđenom optužnicom Tužilaštva BiH – nedozvoljeno skladištenje robe iz člana 210.b stav 1. KZBiH.
- Sud Bosne i Hercegovine je 19.1.2023., u predmetu **Boban Inđić (S1 1 K 041550 21 Kri)**, nakon okončanog glavnog pretresa, izrekao prvostepenu presudu kojom je optuženi **Boban Inđić oglašen krivim** da je radnjama opisanim u izreci presude počinio krivično djelo ratni zločin protiv civilnog stanovništva iz člana 142. stav 1., u vezi s članom 22. KZSFRJ. Za počinjeno krivično djelo Sud je optuženom **Bobanu Inđiću** izrekao **kaznu zatvora** u trajanju od **15 (petnaest) godina**. Na osnovu odredbe člana 138. stav 1. i člana 132. stav 1. tačka a) ZKPBiH, Sud je nakon izricanja prvostepene presude donio rješenje, kojim se prema optuženom **Bobanu Inđiću produžava mjera pritvora**, zbog postojanja okolnosti iz člana 138. ZKPBiH, a u vezi s pritvorskim razlozima iz člana 132. stav 1. tačka a) ZKPBiH, koji po ovom rješenju može trajati najduže **devet (9) mjeseci**, odnosno najduže do **19.10.2023.** ili do nove odluke Suda.

- Sud Bosne i Hercegovine je 19.1.2023., u predmetu **Zoran Mirjanić (S1 3 K 044843 23 Eks)** donio rješenje kojim se odbija zahtjev države moliteljice Republike Austrije za određivanje pritvora prema potraživanom Zoranu Mirjaniću, te da se potraživani Mirjanić treba odmah pustiti na slobodu.

PREDMET	SUDIJA/VIJEĆE	ROČIŠTE
Odjel I Džemal Hadžić i dr. S1 1 K 027423 18 Kri	<i>Minka Kreho Željka Marenčić Tanja Curović</i>	Saslušanje jednog svjedoka Tužilaštva BiH, pročitana izjava preminulog svjedoka Tužilaštva BiH
Odjel I Boban Inđić S1 1 K 041550 21 Kri	<i>Vesna Jesenković Šaban Maksumić Staniša Gluhajić</i>	Izricanje presude
Odjel III Senadin Jusić S1 3 K 044605 22 Mpom	<i>Stanko Blagić</i>	Međunarodna pravna pomoć
Odjel III Hasanović Nermin S1 3 K 028209 22 K Kbs	<i>Stanko Blagić</i>	Ročište za brisanje kazne po molbi osuđenog
Odjel III Zoran Mirjanić S1 3 K 044843 23 Eks	<i>Izo Tankić</i>	Ročište po prijedlogu Tužilaštva BiH za određivanje ekstradicionog pritvora potraživanom
Odjel II Danilo Cicović i dr. S1 2 K 028774 18 K	<i>Hasija Mašović Stanko Blagić Mirsad Strika</i>	Provođenje dokaza Tužilaštva BiH saslušanjem jednog svjedoka i čitanjem četiri zapisnika osumnjičenog
Odjel I Mile Ujić S1 1 K 017080 20 Kri	<i>Braco Stupar Davorin Jukić Enida Hadžiomerović</i>	Saslušanje jednog svjedoka Tužilaštva BiH i čitanje iskaza dva svjedoka koja su u međuvremenu preminula
Odjel II Jelena Majstorović i dr. S1 2 K 033483 19 Krn	<i>Davorin Jukić</i>	Ročište povodom prijedloga Tužilaštva BiH za produženje pritvora

Odjel II Bulić Mira S1 2 K 044396 22 Ko	<i>Šaban Maksumić</i>	Izjašnjenje o krivnji
--	-----------------------	-----------------------

PETAK, 20. januara 2023. godine

Odjel II Milan Matković i dr. S1 2 K 043281 22 Krn	<i>Tanja Curović</i>	Ročište povodom razmatranja prijedloga Tužilaštva BiH za produženje mjere pritvora prema osumnjičenom Milanu Matkoviću
Odjel I Miroslav Marković S1 1 K 027074 18 Kri	<i>Šaban Maksumić Staniša Gluhajić Vesna Jesenković</i>	Saslušanje tri svjedoka Tužilaštva BiH i ulaganje materijalnih dokaza Tužilaštva BiH
Odjel III Amar Lačević S1 3 K 043251 22 K	<i>Hasija Mašović</i>	Nastavak glavnog pretresa saslušanjem svjedoka i vještaka predloženih od strane Tužilaštva BiH
Odjel III Asik Cuneyt S1 3 K 044612 22 Eks	<i>Stanko Blagić</i>	Ročište povodom molbe države moliteljice za razmatranje pretpostavki za izručenje potraživanog i razmatranja prijedloga za određivanje ekstradicionog pritvora

NAJAVE ZA NAREDNU SEDMICU

Za ponedjeljak, 23.01.2023. godine:

- **Vučenović Srpko i dr. (S1 2 K 020583 22 K 2) –** Ročište za početak glavnog pretresa u 9:00 sati, sudnica 8.

Za utorak, 24.1.2023. godine:

- **Jovan Zarić (S1 2 K 039694 22 K)** – Ročište za početak glavnog pretresa u 13:00 sati, sudnica 6.
- **Denis Prčić i dr. (S1 2 K 040385 21 Krn)** – Ročište za razmatranje izrečenih mjera zabrane u 9:00 sati, sudnica 7.
- **Husetić Irmana i dr. (S1 3 K 042377 22 Kps)** – Ročište radi izjašnjenja o krivnji optužene u 13:00 sati, sudnica 8.

Za srijedu, 25.1.2023. godine:

- **Enes Muratović (S1 2 K 041068 23 K)** – Ročište za razmatranje sporazuma o priznanju krivnje 9:00 sati, sudnica 3.
- **Rajko Drljača i dr. (S1 1 K 044645 22 Kro)** – Ročište za razmatranje prijedloga Tužilaštva BiH za produženje i određivanje mjera zabrane nakon potvrđivanja optužnice u 9:30 sati, sudnica 6.

Za četvrtak, 26.1.2023. godine:

- **Petar Mitrović (S1 2 K 043211 22 K)** – Izlaganje završnih riječi Tužilaštva BiH i odbrane u 13:00 sati, sudnica 8.
- **Zoran Brzica (S1 2 K 044656 22 Ko)** – Ročište za izjašnjenje o krivnji optuženog u 12:00 sati, sudnica 7.

Za petak, 27.1.2023. godine:

- **Stanko Dikić (S1 2 K 044400 22 Ko)** – Ročište za razmatranje sporazuma o priznanju krivnje u 11:30 sati, sudnica 8.
- **Anel Kršo i dr. (S1 2 K 033523 22 K)** – Ročište za početak glavnog pretresa u 9:00 sati, sudnica 5.
- **Kerim Lučarević (S1 1 K 044479 22 Kro)** – Ročište za izjašnjenje o krivnji u 9:00 sati, sudnica 8.

- **Mješoviti holding (S1 3 K 036413 20 K) – Nastavak glavnog pretresa, provođenje dokaza i saslušanje vještaka u 13:00 sati, sudnica 9.**

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	7	10
Organizirani kriminal	0	0
Opći kriminal	0	0

Broj održanih ročišta u sudnicama 3-9	33
Broj zahtjeva za izdavanje AV materijala (Odjeljenje za informiranje javnosti)	12

**Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na:
 pios@sudbih.gov.ba**